

Freundliche Mensche

Iss eisch dess aach schunn emol bassierd? Doo siehdsde e Stadt odder e Stigg Lond im Fernseh, entweder bei de Noochrischde odder beiere Nadursendung, wo de rufe dust: Fraa, Fraa, gugg genau hie, dort warn merr aach schunn.

Su isses uns die letzt Woch widder gonge beiere Sendung iwwer Nordkanada unn die Fraa gesaad hott: Ja, dort warn merr, unn waaßde aach noch, wie sellemols dess Mietaudo nimmi oogesprunge iss unn mir e Audo oohalle unn uns helfe losse mussde?

Isch habb geniggd: Ja, awwer e Audo oohalle war gar nitt su leicht. Weill wo mir gefahrn sinn, dess war weit ewegg vunn de gruße Strooße unn doo iss nor ab unn zu e onner Audo gefahrn. Awwer jed Audo hott oogehalle unn ob Fraa odder Monn, all hawwe se gefroochd: Can i help you? Können wir Ihnen helfen? Awwer helfe konnt halt nitt jeder unn donn sinn die Leit wieder weidergefahrn, awwer hawwe uns versproche, dass se jemond schicke wolle.

Unn su isses donn gewese, dass korrz denooch enn Audofahrer kumme iss unn der hott ohne gruß ze frooche aus soim Audo e Ladekabel geholld, hott onn unserm unn onn soim Audo die Kofferraumdeckel uffgemachd, hott die zwaa Batterien mettenonner verbunne unn e korrz Zeit späder hotter sisich uff de Fahrersitz vunn unserm Audo gesetzt, hott de Zündschlüssel erumgedreht unn schunn iss dess Audo oogesprunge. E bissi hodder die zwaa Audos laafe losse unn debei dess Ladekabel onn dene zwaa Batterien gelosse, donn hodders Kabel bei laufende Motorn abgemacht, hott e bissi gewart unn donn die Motorn vunn de zwaa Audos abgestellt. Alser soi Kabel in soim Kofferraum verstaut unn de Kofferraumdeckel zugemacht hott, habb isch gesaad: „Danke schön.“ Unn habb gefroochd: „Was habe ich Ihnen zu bezahlen?“

Doo hodder nor gegrinst unn ze Antwort gewwe: „Nichts, das nächste Mal helfen Sie mir. Übrigens, Sie sind Deutsche, wo kommen Sie her?“

„Aus der Nähe von Frankfurt.“

„Ah ja, dann grüßen Sie den Flughafen, dort habe ich acht Jahre für Air Canada gearbeitet.“

„Und dort Deutsch gelernt?“

„Nein, deutsch habe ich von meiner Oma gelernt, sie kam aus der Nähe von Nürnberg und ist mit Opa nach Kanada ausgewandert.“

Während dere Unnerhaltung war noch enn zweide Audofahrer vorbeikumme unn wie der geseh hott, dass uns geholfe werrd, hodder die Hond zum Gruß gehowwe unn iss weidergefahrn.

Dess iss e Geschichte aus Kanada, aber genau su hädd se sisich hier bei uns abspille kenne, weil es gibt su vill freundliche Mensche iwwerall.